



BASES DO XXVII CONCURSO CUAC FM DE BANDAS E SOLISTAS 2025

A emisora comunitaria da Coruña, CUAC FM 103.4, convoca a XXVII edición do seu Certame para bandas e solistas de diversos estilos musicais. O principal obxectivo é promover a cultura musical na nosa contorna e dar a coñecer proxectos que non teñan unha longa traxectoria, con especial atención ás bandas galegas e da Coruña, aínda que o concurso está aberto á participación de artistas de toda España.

O XXVII Concurso CUAC FM de Bandas e Solistas rexeráse polas seguintes regras:

♪ **Primeira.**- Poderán participar neste concurso todos aqueles grupos musicais ou solistas residentes en España de calquera estilo musical fóra da música clásica.

Poderán participar GRUPOS ou SOLISTAS que NON editasen máis de 15 cancións da súa propia composición na data na que finaliza o prazo de presentación de propostas, independentemente do formato no que fosen realizadas. Contan as edicións físicas de CD, vinilos, EP, singles e edicións dixitais en plataformas como Bandcamp, Spotify, Soundcloud e similares. Compútanse as cancións editadas co mesmo nome da banda ou solista.

O feito de publicar as cancións cun selo discográfico independente ou ter un contrato cunha distribuidora non exclúe poder participar neste concurso.

IMPORTANTE: As bandas e solistas que teñan contrato deberán indicar o nome do seu selo ou o seu distribuidor no formulario de inscrición. Non facelo será motivo de descualificación.

♪ **Segunda.**- Cada participante deberá cubrir o formulario de inscrición que se atopa na páxina web de CUAC FM e ao final das presentes bases.

Se hai erros no rexistro, non será válido. En caso de duplicar o rexistro, só se terá en conta un deles.

Cada proxecto debe enviar dúas cancións de composición propia descargables en MP3.

Os MP3 serán enviados a través dunha ligazón de descarga gratuíta que deberá inserirse no formulario de rexistro no espazo correspondente. En caso de problema coa descarga, a organización contactará por correo electrónico para

solucionalo.

Sistemas suxeridos (aínda que outros son válidos tamén): Google Drive, Dropbox, MEGA, UploadMe. Asegúrese de que se compartan correctamente para evitar problemas de descarga.

IMPORTANTE: non está permitido enviar a través de WeTransfer ou calquera outro sistema no que exista un período de caducidade para descargar as cancións. Polo menos deben estar dispoñibles para a súa descarga na data que se establece nos termos dos seguintes parágrafos para ambas fases do concurso.

Non se aceptan enlaces web como Bandcamp, Spotify, Amazon Music, Youtube ou similares.

O prazo límite para enviar o rexistro e as cancións é o **luns 26 de maio de 2025** ás 23:59 horas.

♪ **Terceira.-** O xurado do concurso será elixido pola emisora CUAC FM en número impar, cun mínimo de cinco compoñentes. Estará composto por persoas alleas á asociación, e por membros de CUAC FM.

♪ **Cuarta.-** O sistema de votación será decidido pola organización do concurso, sempre en base a un sistema equitativo e ratificado polo persoal da organización do concurso pertencente a CUAC FM.

♪ **Quinta.- PREMIOS.** Esta XXVII Edición conta de novo coa colaboración do Concello e da Deputación da Coruña co obxectivo de mellorar os premios e conseguir unha maior difusión e dotación do certame, así como unha maior repercusión para as bandas gañadoras.

A colaboración acordada entre CUAC FM e o Concello da Coruña garante unha vinculación do concurso co Festival Noroeste Estrella Galicia achegando nesta convocatoria **dúas bandas galegas** ao cartel do citado festival.

Os premios dividiranse en 2 fases:

- **1ª Fase PREMIOS EXCLUSIVOS PARA BANDAS GALEGAS**

Grazas á colaboración co Concello da Coruña, establécense 2 gañadores nesta XXVII Edición cuxo premio consistirá nunha actuación no Festival Noroeste Estrella Galicia que se celebra no mes de agosto na cidade da Coruña.

A organización do festival será a responsable de decidir os escearios, día e hora na que participarán as bandas gañadoras, sempre de forma coordinada coa persoa responsable da banda para facilitar a súa participación no evento.

Serán seleccionadas as dúas bandas ou solistas galegos que obteñan máis puntuación nas votacións do xurado.

A remuneración para estes dous proxectos gañadores será de 1.000 euros, impostos e obrigacións legais incluídos, sendo requisito imprescindible para obtelo actuar no Festival Noroeste Estrella Galicia 2025. Esta remuneración será abonada directamente polo organismo organizador do citado festival previa presentación da correspondente factura por parte das bandas gañadores ou os seus representantes legais.

En caso de empate a puntos procederase tal como indica a norma SEXTA das presentes bases.

A participación neste concurso non exclúe a posibilidade de ser contratados pola organización do festival con anterioridade a coñecerse o veredicto do xurado.

Se se dá o caso de que un solista ou unha banda gañadora xa estivese contratada para actuar no Festival Noroeste Estrella Galicia, deberá informar a CUAC FM desta situación e decidir se a actuación realízase como gañadora do presente Concurso ou fóra del.

Esta eventualidade non repercutirá no número de bandas galegas premiadas no Concurso de CUAC FM que participen no Festival Noroeste Estrella Galicia, que sempre será de dous. En caso de renunciar algunha das gañadoras, convocaríase ás seguintes por orde de puntuación obtido.

A listaxe de gañadores das dúas fases farase público como data límite o 1 de xullo de 2025. En función da puntuación designaranse bandas ou solistas finalistas suplentes aos que se lles comunicará esta clasificación para que estean preavisados no caso de que os gañadores non poidan realizar a actuación.

- **2ª Fase (ABERTO A TODAS AS PROPOSTAS RECIBIDAS DE CALQUERA LUGAR DO TERRITORIO ESPAÑOL)**

PREMIOS BATALLA DE BANDAS

Os dous grupos ou solistas que obtivesen maior número de puntos serán finalistas do concurso, excluindo aqueles que por puntuación, e por ser galegos, clasificáronse para actuar no Festival Noroeste Estrella Galicia, con premio garantido a condición de que participen na Batalla de Bandas do Concurso de Bandas e Solistas CUAC FM, que se celebrará o **sábado 20 de setembro de 2025** na Sala Mardi Gras na Coruña. En caso de non participar no concerto, chamarase aos seguintes clasificados ata que 2 confirmen a súa asistencia. Cada grupo actuará durante 40 minutos. Pódense incluír un máximo de dúas versións no repertorio.

En caso de empate a puntos procederase tal como indica a norma SEXTA das presentes bases.

O xurado desta actuación estará composto por cinco ou sete persoas de entre os

integrantes de CUAC e persoas designadas pola organización para esa data. No caso de que un membro do xurado non asista á hora do concerto, a organización nomeará a un novo membro de entre os presentes (preferiblemente persoas de CUAC FM primeiro e o persoal da Sala Mardi Gras en segundo lugar) para que sexan sempre un número impar.

Unha vez finalizadas as dúas actuacións da Batalla de Bandas, ese xurado decidirá quen é o primeiro e quen o segundo. Os premios serán de 1.000 euros e 900 euros respectivamente (impostos e obrigacións legais incluídos).

Acabada a Batalla de Bandas, comunicarase directamente aos interesados despois da actuación a decisión do xurado, momento no que se realizará unha cerimonia de entrega de premios. Posteriormente enviarase aos medios de comunicación e difundirase en redes e web de CUAC FM.

PREMIO "EVA COYOTE" EXCLUSIVO PARA BANDAS OU SOLISTAS DE A CORUÑA

A banda ou solista da Coruña con máis puntos, excluindo aquelas que por puntuación clasificáronse para actuar no Festival Noroeste Estrella Galicia ou para a Batalla de Bandas e solistas, obterá o Premio Eva Coyote.

Para ser considerado banda ou solista da Coruña, polo menos a metade dos seus integrantes deben estar empadroados na cidade na data en que se anuncie que foron gañadores deste premio. O premio será para a banda local que obteña a puntuación máis alta independentemente da orde obtida na clasificación xeral de bandas ou solistas.

Esta banda ou solista recibirá o premio Eva Coyote e será anunciada durante a Batalla de Bandas. O premio económico será de **900€** (impostos e obrigacións legais incluídos). A banda ou solista que gañe o premio deberá actuar, como parte do premio, nun evento organizado por CUAC FM. O devandito concerto deberá realizarse nun prazo máximo de 7 meses despois da Batalla de Bandas. Se a actuación non se realiza por motivos alleos ao proxecto gañador obterá igualmente o premio económico indicado.

PREMIO Á MELLOR CANCIÓN EN GALEGO

Establécese un premio de 200€ para a que o xurado considere a Mellor Canción en Galego de entre todas as recibidas nese idioma. O premio non conleva compromiso de actuación. CUAC FM comprométese á súa emisión en continuidade e a engadir un audio do proxecto gañador deste premio presentando a canción.

En caso de empate a puntos procederase tal como indica a norma SEXTA das presentes bases.

♪ **Sexta.**- En caso de empate nas puntuacións, o gañador será o que obteña a

puntuación máxima máis veces. Se o empate continúa, seguiranse os seguintes niveis de puntuación ata que se logre un desempate.

♪ **Sétima.**- As bandas xa premiadas en edicións anteriores do Concurso de Bandas e Solistas de CUAC FM (anteriormente chamado Concurso de Maquetas) non poderán participar neste concurso, exceptuando a premiada co premio de Mellor canción en galego que non conleva actuación, polo que si cumpre o resto de requisitos poderá participar.

♪ **Oitava.**- A participación neste concurso implica a aceptación tácita de todas as súas bases. As cancións enviadas serán transmitidas en CUAC FM. Bandas e solistas autorizan a emisión en CUAC FM das cancións presentadas, mesmo aquelas que non obtivesen ningún premio.

Se por algunha razón xustificada algunha banda ou solista non desexa que as súas cancións sexan transmitidas en CUAC FM, deberá solicitalo por escrito escribindo a concursobandas@cuacfm.org

♪ **Novena.**- Se a organización detecta o incumprimento dalgún apartado destas bases en calquera momento do proceso entre a convocatoria e a resolución do presente concurso, a banda ou solista que incumprise será inmediatamente descalificado.

♪ **Décima.**- Se se detecta algún incumprimento das bases unha vez realizado o pago a un dos proxectos gañadores, poderase solicitar a devolución do importe económico do premio.

NOTA: Para resolver dúbidas podes escribir un correo electrónico a concursobandas@cuacfm.org

[Cubrir formulario de inscrición](#)

A Coruña, 27 de marzo de 2025
Cuac FM XXIX Anos da Radio Comunitaria da Coruña